



# Ofisa o Fuainumera Faamauina

## Tala o le Tamaoaiga

### Kuata o Tesema 2019

#### Aotelega

10 Aperila 2020

#### Otootoga:

- Faaitiitia le tamaoaiga i le 3.7%.
- Tamaoaiga fua i tau o oloa o le 2013 (real): WST \$498.9 miliona
- Tamaoaiga fua i suiga o le tau o oloa i totonu o le kuata (nominal) - WST \$544.6 miliona.

#### Mataupu o i le ripoti:

|   |       |
|---|-------|
| Folamua & Aotelega                                  | 1     |
| Faapaseneina o le suiga o le tamaoaiga              | 1-2   |
| Suiga o le Tamaoaiga                                | 2     |
| Faapaseneina o le sao o Vaega Maoti i le tamaoaiga. | 2     |
| Tamaoaiga o le Kuata                                | 3-9   |
| Iloiloga o le Tamaoaiga ma Atina'e mo le Lumana'i   | 10-14 |
| Pepa Faaopoopo - Tamaoaiga i ona Vaega Maoti        |       |


I le maea ai o le kuata o Tesema 2019, sa faamauina ai le faaitiitia ole tamaoaiga ole atunuu ile 3.7%; o le taimi muamua lea ua pau maualalo ai le tamaoaiga talu mai le kuata o Iuni 2018. E sosoo lea pau i le tamaoaiga male siitaga e 5.2% ile kuata o Setema 2019. O le tamaoaiga i le kuata o Tesema 2019 pe a fua i le tau o oloa o le tausaga faavae 2013 e \$498.9 miliona, o le tamaoaiga maualalo lea ua ausia i le ono o kuata sosoo. O le tulaga vaivai sa maitauina i le tamaoaiga o se itu na mautinoa lava ona o'aafiaga o le pipisi ai o le misela i totonu o le atunuu; na faapogai ai Poloaiaga mo Faalavelave Tutupu Faafuasei mo le umi o ono vaiaso. I lona aotelega, o gaiioiga i le vaega o Auauunaga (Tertiary Sector) na faaitiitia i le 4.9%, o le vaega o Oloa Gaosi (Secondary Sector) na tuuitiitia i le 5.6% ma le vaega o atina'e amata (Primary Sector) na pau i le 2.0% i le kuata o Tesema 2019

#### Suiga o le Tamaoaiga:

Ole tamaoaiga ile kuata o Tesema 2019 e \$498.9 miliona pea fua ile tau o oloa o le tausaga 2013 (real GDP). Na faaitiitia le tamaoaiga ile 3.7% fua ile kuata o Tesema 2018; e sosoo lea ma le siitaga o le tamaoaiga e 5.2% na ausia ia Setema 2019. O le kuata muamua lenei ua tulaga faaletonu ai le tamaoaiga talu mai le lima kuata sosoo o siitia pea le tamaoaiga.


O loo faaalua i le Kalafi le Tamaoaiga amata mai i le kuata o Tesema 2015 seia oo i le kuata o Tesema

#### Kalafi 1: Tamaoaiga ma suiga, Tes 2015 - Tes 2019



2019 faatasi ai ma ona suiga fua i le kuata lava lea o le tausaga ua te'a. Pei ona faaalua, na pau maualalo le tamaoaiga i le kuata o Tesema 2019; o loo atagia mai ai le aafiaga ogaoga ona o le faamai o le misela. Na aafia uma ai atinae o pisinisi masani, femalagaaiaga, o galuega ma isi auauunaga e masani ona manaomia tele i faaiuga o tausaga taitasi.

#### Kalafi 2: Faapaseneina o le sao o Vaega Maoti taitasi i le tamaoaiga, Kuata o Tesema 2019



O le kalafi 2 o loo faaalua ai le sao o vaega maoti taitasi ile aotelega i le suiga o le tamaoaiga i le kuata o Tesema 2019. O le maualalo o le tamaoaiga na tula'i mai i le tulaga faaletonu i vaega maoti e pei o Fefaatauaiga, Fesootaiga, Auauunaga Faapisinisi, vaega Gaosi Meaai ma Vaiinu, Felauaiga, Faigafaiava, Eletise ma le Suavai faapea Falealimalo ma Faleaiga i o latou sao e -2.7, -0.8, -0.6, -0.5, -0.4, -0.4, -0.3 ma le -0.1 pasene i Vaega Maoti taitasi i le tamaoaiga.


O le vaega o Fefaatauaiga e pito tele lona sao (-8.2%) i le pau o le tamaoaiga i le kuata o Tesema 2019 fua i le kuata o Tesema 2018. O le vaega o Fesootaiga na faaitiitia i le 11.6% lona sao i le kuata o loo iloiloaina. O Auauunaga Faapisinisi na pau lo latou tamaoaiga i le 13.1% sosoo ai ma vaega o Felauaiga ma Faigafaiava na faaitiitia i le 9.5% ma le 21.0%. O le tulaga lelei poo sitaga na ausia e nisi o vaega maoti e le'i lava lo latou malosi e taofi ai le tulaga faaletonu na aafia ai le tele o isi

vaega maoti fua i le kuata lava lea o le tausaga ua te'a

**Aotelega o le tamaoaiga, fua i le tau o oloa i le kuata o Tesema (Nominal):**

A fua i le tau o oloa i totonu o le kuata o Tesema 2019, e \$544.6 miliona le tamaoaiga sa mafai ona faamauina. Ua maualalo lea tamaoaiga ausia i le 4.4% faatusa i le kuata lava lea o le tausaga 2018. O lenei tulaga na afua mai i le vaivai o le tamaoaiga maua mai i vaega e pei o Faigafaiva, Auaunaga Faapisinisi, Fesootaiga, vaega Gaosi Meaai ma Vaiinu, Fefaatauaiga ma Felauaiga i lona pau faapaseneina e 19.9%, 13.3%, 11.2%, 10.7% ma le 9.8% fua i o latou tamaoaiga sa faamauina i le kuata o Tesema 2018.

**Kalafi 3: Pasene o Vaega Maoti, Kuata o Tesema 2019**




O le Kalafi 3 (o loo i luga) o loo faamanino atu ai le faapaseneina o le sao o vaega taitasi i le tamaoaiga maua i le kuata o Tesema 2019. O le vaega o auaunaga (Vaega 3) o loo taimua pea i le tele o lona sao i le tuufaatasiga o le tamaoaiga fua i le tuufaatasiga o le tau o oloa e tusa ma le 74.1%. O lea fuainumera ua faaititia i le 1.2% pea fua i le kuata lava lea o le tausaga ua tea. E ui ina tulaga lelei le tamaoaiga maua mai i Auaunaga Faa-faletupe, Vaega o e o loo Umiaina Fale ma Isi Auaunaga, e lei gafatia e lea lelei ona tulei i luga le pau maualalo o le tamaoaiga mai i isi vaega maoti. O le vaega o loo Gaosia Oloa (goods producing industries) o loo lona lua lona sao i le tamaoaiga ma e 1.0 pasene sa siitia ai pea fua i le kuata lava lea o le tausaga ua te'a. O le nei siitaga na afua mai i auaunaga Faeletise ma le Suavai ma isi auaunaga gaosi oloa. O le vaega faavae (Primary sector) e 10.1% lona sao i le tamaoaiga e tusa lea ma le 0.3% ua siitia ai. O lea tulaga lelei na mafua ona o le siitia o le tamaoaiga maua mai i fua o faatoaga fua i le kuata o Tesema 2018.

**Iloiloga o le sefululua masina: (Tausaga 2019)**


O le tamaoaiga faamauina o le tausaga 2019 (Ianuari-Tesema) pea fua ile tau o oloa i totonu o le tausaga e \$2,237.3 miliona ma e 3.7% ua siitia ai mai ile \$2,156.6 miliona ile tausaga 2018. E 2.9% ua siitia ai le aofaiga o le tamaoaiga pe a fua i le faitau aofai o tagata na faamauina ai le \$11,138 mo le tausaga 2019 (GDP per capital). O le tamaoaiga na faamauina ile tausaga 2019 pea fua i le tau o oloa ile tausaga 2013 e \$2,050.8 miliona; ma o lea fuainumera ua siitia mai ile \$2,005.7 miliona, e tusa ma le 2.3% ua siitia ai le tamaoaiga i le kuata o Tesema 2018.

**Kalafi 4: Gasologa o le Tamaoaiga, Tesema 2015 - 2019**



O le kalafi 4 o loo faaalua ai le gasologa o le tamaoaiga mai ile tausaga 2015 agai ile 2019. O loo faamauina ai le siitia o le tamaoaiga i le tausaga 2018 ma le 2019 mai ile pau sa iai ile tausaga 2017 ona o le tapunia ai o auaunaga a le kampani o le Yazaki i totonu o le atunuu. O le tulaga lelei o le tamaoaiga i le tausaga 2019 e ala mai ile faatuputupuia o le tamaoaiga i totonu o le tolu kuata muamua o le 2019 i nisi o vaega maoti e aofia ai le Vaega o Galuega Tetele, Faletalimalo ma Faleaiga, Faatoaga, Auaunaga Faa-faletupe ma vaega gaosi Meaai ma Vaiinu i o latou siitaga e 0.9, 0.5, 0.4, 0.4, ma le 0.4 pasene o o latou sao i le aofai o le siitaga e 2.3% i le tamaoaiga, e pei ona faaalua i le Kalafi 5 o loo i lalo.

**Kalafi 5: Faapaseneina o le sao o Vaega Maoti taitasi i le tamaoaiga, Tausaga 2019**




# Iloiloga o Vaega Maoti taitasi

| VAEGA O FAATOAGA   | Tamaoiga Tesema 2018 | Tamaoiga Setema 2019 | Tamaoiga Tesena 2019 | Suiga i % fua i le kuata o Setema 2019 | Suiga i % fua i le kuata o Tesema 2018 |
|--|----------------------|----------------------|----------------------|--|--|
| Tamaoiga (fua kuata)<br>Tala Samoa (\$'000)                | 44.2                 | 47.7                 | 45.6                 | -4.4                                   | 3.1                                    |
| Tamaoiga (fua ile tausaga 2013)<br>Tala Samoa (\$'000)     | 40.1                 | 40.6                 | 41.0                 | 0.9                                    | 2.2                                    |
| Sao o Vaega i le suiga i le kuata (pasene)                 | -0.1                 | 1.0                  | 0.2                  |  |  |
| Saofaga i le tuufaatasiga faa-le-kuata (tamaoiga i pasene) | 7.8                  | 8.2                  | 8.4                  |  |  |

**Kalafi 6: Suiga i Pasene o le Vaega o Faatoaga (fua ile tausaga e 2013), Tesema 2015 - Tesema 2019**

Na faamauina le aofaiga o le tamaoiga o le Vaega o Faatoaga i le \$41.0 miliona i le kuata o Tesema 2019 pe a fua i le tau o oloa 2013. E 2.2% na siitia ai pe a faatusa i le kuata lava lenei i le 2018. O lenei taunuuga o loo atagia ai le siitia i le 14.4% le aotelega o le faaogaina o fua o faatoaga i totonu o le atunuu; e 31.1% na siitia ai le auina atu o fua o faatoaga i maketi i totonu o le atunuu ma e 1.6% na siitia ai le faaogaina o fua o faatoaga mo le tausiga o aiga. Na faamauina le mauiluga o le aofai o oloa tau faatoaga na tuuina atu mo fefaatauaiga e aofia ai talo (siitia i le 41.8%), fai ( siitia i le 60.9%) ufi (siitia i le 41.7%), Kapisi saina ( siitia i le 59.5%) ma Kukama ( siitia i le 15.6%). Na siitia le tamaoiga maua mai i lafumanu i le 4.5% i le kuata le nei pe a faatusa i le kuata o Tesema 2018.

Ua faatuputupulaia le sao o le Vaega o Faatoaga i le tamaoiga i le 8.4% e pei ona faamauina i le kuata lenei o Tesema 2019.




| FAIGAFAlVA   | Tamaoiga Tesema 2018 | Tamaoiga Setema 2019 | Tamaoiga Tesena 2019 | Suiga i % fua i le kuata o Setema 2019 | Suiga i % fua i le kuata o Tesema 2018 |
|--|----------------------|----------------------|----------------------|--|--|
| Tamaoiga (fua kuata)<br>Tala Samoa (\$'000)                | 11.7                 | 11.4                 | 9.4                  | -17.5                                  | -19.9                                  |
| Tamaoiga (fua ile tausaga 2013)<br>Tala Samoa (\$'000)     | 8.8                  | 8.5                  | 6.9                  | -18.7                                  | -21.0                                  |
| Sao o Vaega i le suiga i le kuata (pasene)                 | -0.4                 | 0.0                  | -0.4                 |  |  |
| Saofaga i le tuufaatasiga faa-le-kuata (tamaoiga i pasene) | 2.1                  | 2.0                  | 1.7                  |  |  |

**Kalafi 7: Suiga i Pasene o Faigafaiva (fua i le tausaga e 2013), Tesema 2015 - Tesema 2019**

A fua i le tau o oloa ile tausaga faavae (2013), e 21.0% na faaititia ai le tamaoiga i le vaega maoti o faigafaiva fua i le kuata lava lea o le tausaga ua te'a. O loo faaauau pea le pau mauilalo o le tamaoiga i le nei vaega maoti talu mai le kuata o Iuni 2019 sei vagana ai le kuata o Mati 2019 sa vaaia ai le siitia o le tamaoiga.

O le tulaga vaivai ile tamaoiga o Faigafaiva o loo atagia ai le pau ile 33.6% o i'a o loo faaogaina mo le fofoga taumafa o le atunuu. E o gatasi lava le pau mauilalo o le aofai o i'a o loo auina atu i atunuu i fafo i le 21.3% ma le faaititia o le aofai o ia o loo faatauina i totonu o le atunuu ile 34.6%. E 19.9% na faaititia ai le tamaoiga o lenei vaega maoti pe a faatusa i le kuata o Tesema 2018.




## Iloiloga o Vaega Maoti taitasi

| VAEGA O GAOSIA MEAAI MA VAI INU                           | Tamaoiga Tesema 2018 | Tamaoiga Setema 2019 | Tamaoiga Tesema 2019 | Suiga i % fua i le kuata o Setema 2019 | Suiga i % fua i le kuata o Tesema 2018 |
|---|----------------------|----------------------|----------------------|--|--|
| Tamaoiga (fua kuata)<br>Tala Samoa (\$'000)               | 20.6                 | 21.4                 | 18.3                 | -14.2                                  | -11.2                                  |
| Tamaoiga (fua ile tausaga 2013)<br>Tala Samoa (\$'000)    | 20.0                 | 20.8                 | 17.4                 | -16.4                                  | -13.3                                  |
| Sao o Vaega i le suiga i le kuata (pasene)                | 0.2                  | 0.5                  | -0.5                 |  |  |
| Saofaga ile tuufaatasiga faa-le-kuata (tamaoiga i pasene) | 3.6                  | 3.7                  | 3.4                  |  |  |

**Kalafi 8: Tamaoiga maua mai Oloa Gaosi o Meaai & Vai Inu ma le suiga mai i kuata taitasi i pasene, Tesema 2015 - Tesema 2019**

I lona aotelega, o le tamaoiga faamauina a le vaega o gaosia meaai ma vai inu e \$17.4 miliona pe a faatusa i tau o oloa 2013 fua i le kuata o Tesema 2018; ua faamauina ai le pau i le 13.3% ile tamaoiga fua i le kuata o Tesema 2018. O le kuata muamua lenei talu mai kuata e fa ua tuana'i ua faamauina ai le faaitiitia o lona tamaoiga maua pei ona faaalai i le Kalafi 8. E -0.5 pasene le sao o lea vaega i le suiga ile kuata ae 3.4 pasene lona sao i le tuufaatasiga faa-le-kuata o le tamaoiga.

I le iloiloaina o le gasologa o le tamaoiga i totonu o le kuata, e \$18.3 miliona lona aofa'i, ua faaitiitia i le 11.2%. Ua tuutiitia lona saoi le tuufaatasiga faa-le-kuata i le 0.2 pasene mai i le 3.6 pasene ile kuata o Tesema 2018 i le 3.4 pasene ile kuata o Tesema 2019.




| VAEGA O ISI OLOA GAOSI                                    | Tamaoiga Tesema 2018 | Tamaoiga Setema 2019 | Tamaoiga Tesema 2019 | Suiga i % fua i le kuata o Setema 2019 | Suiga i % fua i le kuata o Tesema 2018 |
|---|----------------------|----------------------|----------------------|--|--|
| Tamaoiga (fua kuata)<br>Tala Samoa (\$'000)               | 10.2                 | 12.3                 | 11.5                 | -6.8                                   | 12.5                                   |
| Tamaoiga (fua ile tausaga 2013)<br>Tala Samoa (\$'000)    | 8.5                  | 10.2                 | 9.6                  | -6.1                                   | 12.4                                   |
| Sao o Vaega i le suiga i le kuata (pasene)                | 0.0                  | 0.0                  | 0.2                  |  |  |
| Saofaga ile tuufaatasiga faa-le-kuata (tamaoiga i pasene) | 1.8                  | 2.1                  | 2.1                  |  |  |

**Kalafi 9: Tamaoiga maua mai le Vaega o isi Oloa Gaosi, Tesema 2015 - Tesema 2019**

Pe a fua i le tau o oloa o le tausaga faavae 2013, e \$9.6 miliona le aofa'i o le tamaoiga maua i le vaega o Isi Oloa Gaosi na faamauina i le kuata o Tesema 2019. Na siitia le tamaoiga i lea vaega i le 12.4% pe a faatusatusa i le kuata o Tesema 2018. O le lona lima lea o kuata o loo tulaga lelei lava le tamaoiga o le vaega o Isi Oloa Gaosi.


E \$11.5 miliona le tamaoiga maua na faamauina pe a fua i le tau o oloa i totonu o le kuata mo le nei vaega; e 2.1 pasene lona sao i le tuufaatasiga faa-le-kuata o le tamaoiga. E 12.5% sa siitia ai lona tulaga pe a fua i le kuata o Tesema 2018.



# Iloiloga o Vaega Maoti taitasi

| GALUEGA TETELE  | Tamaoiga Tesema 2018 | Tamaoiga Setema 2019 | Tamaoiga Tesema 2019 | Suiga i % fua i le kuata o Setema 2019  | Suiga i % fua i le kuata o Tesema 2018 |
|---|----------------------|----------------------|----------------------|---|--|
| Tamaoiga (fua kuata)<br>Tala Samoa (\$'000)               | 38.2                 | 30.9                 | 41.6                 | 34.5  | 8.9                                    |
| Tamaoiga (fua ile tausaga 2013)<br>Tala Samoa (\$'000)    | 35.6                 | 29.8                 | 39.3                 | 32.0  | 10.3                                   |
| Sao o Vaega i le suiga i le kuata (pasene)                | 0.9                  | 0.4                  | 0.7                  | <b>Kalafi 10: Tamaoiga maua mai le Vaega o Galuega Tetele ma le suiga mai i kuata taitasi i pasene, Tesema 2015 - Tesema 2019</b> |  |
| Saofaga ile tuufaatasiga faa-le-kuata (tamaoiga i pasene) | 6.7                  | 5.3                  | 7.6                  |   |  |


I le vaega o Galuega Tetele, e \$39.3 miliona le tamaoiga maua i le vaega maoti pea fua ile tausaga faavae 2013; ua siitia ai ile 10.3% le tamaoiga pe a fua i le kuata o Tesema 2018. O le lima ai lea o kuata sosoo o loo ausia pea lea tulaga lelei pe maua i lea vaega maoti. O le faaauau ai pea ole alualu i luma o lea vaega maoti o loo afua mai i faatinoga faaauau i poloketi fou ma atina'e tetele ile talafatai o Apia, o le fausia ai o le auala laupapa fou i Vaisigano, poloketi faagasolo mo le faafouina ma le faaleleia o auala faapea galuega faatino ile fausiaina o fale tetele e le gata mo pisinisi faapea aiga i totonu ole kuata o loo iloiloaina. E 0.7% le sao o Galuega Tetele ile suiga o le tamaoiga i totonu o le kuata o loo iloiloaina.



| ELETISE MA SUAVAI   | Tamaoiga Tesema 2018 | Tamaoiga Setema 2019 | Tamaoiga Tesema 2019 | Suiga i % fua i le kuata o Setema 2019  | Suiga i % fua i le kuata o Tesema 2018 |
|---|----------------------|----------------------|----------------------|---|--|
| Tamaoiga (fua kuata)<br>Tala Samoa (\$'000)               | 15.6                 | 15.4                 | 14.8                 | -4.0  | -5.1                                   |
| Tamaoiga (fua ile tausaga 2013)<br>Tala Samoa (\$'000)    | 14.9                 | 14.3                 | 13.6                 | -5.2  | -8.7                                   |
| Sao o Vaega i le suiga i le kuata (pasene)                | 0.1                  | 0.2                  | -0.3                 | <b>Kalafi 11: Tamaoiga maua mai le Vaega o Eletise &amp; Suavai Tesema 2015 - Tesema 2019</b> |  |
| Saofaga ile tuufaatasiga faa-le-kuata (tamaoiga i pasene) | 2.7                  | 2.7                  | 2.7                  |   |  |

E \$13.6 miliona le tamaoiga sa maua ile vaega maoti o le Eletise ma le Suavai i le kuata o Tesema 2019 pea fua ile tausaga faavae 2013, ua pau maua ai ile 8.7% faatusa ile tamaoiga faamauiina o Tesema 2018. O le nei pau o loo atagia ai le faaititia ole Suavai gaosia ile 22.9%. E 4.7% sa siitia ai le tamaoiga maua mai i le Eletise pea faatusa i le tausaga 2018, ma e lei malosi tele lea siitaga e taofi ai le pau maua ole Suavai i le kuata o loo iloiloaina.

I le maea ai o iloiloiga o le tamaoiga ile vaega maoti o le Eletise ma le Suavai i le kuata o Tesema, sa faamauiina ai le pau ole saofaga a le vaega ile 0.3% i le tuufaatasiga atoa o le tamaoiga maua.




# Iloiloga o Vaega Maoti taitasi

| FEFAATAUAIGA  | Tamaoiga Tesema 2018 | Tamaoiga Setema 2019 | Tamaoiga Tesena 2019 | Suiga i % fua i le kuata o Setema 2019   | Suiga i % fua i le kuata o Tesema 2018 |
|---|----------------------|----------------------|----------------------|--|--|
| Tamaoiga (fua kuata)<br>Tala Samoa (\$'000)               | 185.5                | 189.5                | 165.7                | -12.6  | -10.7                                  |
| Tamaoiga (fua ile tausaga 2013)<br>Tala Samoa (\$'000)    | 168.2                | 174.8                | 154.3                | -11.7  | -8.2                                   |
| Sao o Vaega i le suiga i le kuata (pasene)                | 3.6                  | 0.4                  | -2.7                 | <b>Kalafi 12: Tamaoiga maua mai i Fefaatauaiga ma le suiga mai i kuata taitasi i pasene, Tesema 2015 - Tesema 2019</b> |  |
| Saofaga ile tuufaatasiga faa-le-kuata (tamaoiga i pasene) | 32.6                 | 32.6                 | 30.4                 |  |  |

O loo faaauu pea ona taimua le vaega o Fefaatauaiga i le tele o le saofaga ile tuufaatasia ole tamaoiga atoa faatusa i isi vaega maoti e tusa lea ma le \$154.3miliona. E 8.2% o loo faaitiitia ai le tamaoiga maua i fefaatauaiga pea fua i le kuata lava lea i le tausaga ua tea. E \$165.7miliona le tamaoiga sa faamauina pea fua i le tausaga faavae 2013, ma e 10.7% o loo pau ai lea vaega i lona faapaseneina.


O le pau i le tamaoiga maua mai i fefaatauaiga na afua mai ona ua faaitiitia oloa siatua e pei o meaai ma vaiinu, oloa tau sikareti, penisini, oloa faaogaina ai kesi faapea oloa mo manaoga masani. O le isi tulaga o loo faamaonia ai le tulaga pau, o le pau mauualo ai o tupe maua mai i turisi asiasi mai faapea tupe maua mai i aiga ma uo mai fafo i le 7.6% male 4.9%. O le nei tulaga mauualo i le kuata o Tesema 2019 na afua mai i le vaitaimi sa feagai ai le atunuu ma le faamai o le Misela. (Measles Outbreak)



| FALETALIMALO MA FALEAIGA                                  | Tamaoiga Tesema 2018 | Tamaoiga Setem 2019 | Tamaoiga Tesena 2019 | Suiga i % fua i le kuata o Setema 2019  | Suiga i % fua i le kuata o Tesema 2018 |
|---|----------------------|---------------------|----------------------|---|--|
| Tamaoiga (fua kuata)<br>Tala Samoa (\$'000)               | 13.5                 | 18.7                | 13.1                 | -29.9   | -3.1                                   |
| Tamaoiga (fua ile tausaga 2013)<br>Tala Samoa (\$'000)    | 12.3                 | 16.8                | 11.8                 | -29.7   | -3.9                                   |
| Sao o Vaega i le suiga i le kuata (pasene)                | 0.4                  | 0.9                 | -0.1                 | <b>Kalafi 13: Tamaoiga maua mai i Faletalimalo &amp; Faleaiga ma le suiga mai i kuata taitasi i pasene, Tesema 2015 - Tesema 2019</b> |  |
| Saofaga ile tuufaatasiga faa-le-kuata (tamaoiga i pasene) | 2.4                  | 3.2                 | 2.4                  |   |  |

O le vaega o Faletalimalo ma Faleaiga sa mafai ona faamauina le tamaoiga fua i le tausaga faavae (2013) e \$11.8miliona, ma o loo pau ai ile -3.9% pea fua i le kuata o Tesema 2018. E \$13.1 miliona le tamaoiga fua i le tamaoiga i totonu o le kuata (current prices) ma o loo pau foi i le 3.1%. O le tasi nei vaega maoti sa aafia lona tamaoiga maua ona ole Misela faatasi ai ma le faaitiitia o le aofaiga o tupe maua mai i turisi ma aiga mai fafo i le 7.6%.

E -0.1% le saofaga a le vaega o Faletalimalo ma Faleaiga i le tamaoiga aemaise e 2.4% le tamaoiga faamauina fua ile tausaga faavae 2013.




## Iloiloga o Vaega Maoti taitasi

| FELAUAIIGA  | Tamaoiga Tesema 2018 | Tamaoiga Setema 2019 | Tamaoiga Tesena 2019 | Suiga i % fua i le kuata o Setema 2019   | Suiga i % fua i le kuata o Tesema 2018 |
|---|----------------------|----------------------|----------------------|--|--|
| Tamaoiga (fua kuata)<br>Tala Samoa (\$'000)               | 23.2                 | 21.5                 | 20.9                 | -2.8   | -9.8                                   |
| Tamaoiga (fua ile tausaga 2013)<br>Tala Samoa (\$'000)    | 21.6                 | 20.2                 | 19.6                 | -3.2   | -9.5                                   |
| Sao o Vaega i le suiga i le kuata (pasene)                | 0.4                  | 0.4                  | -0.4                 | <b>Kalafi 14: Tamaoiga maua mai le Vaega o Felauaiga ma le suiga mai i kuata taitasi i pasene, Tesema 2015 - Tesema 2019</b> |  |
| Saofaga ile tuufaatasiga faa-le-kuata (tamaoiga i pasene) | 4.1                  | 3.7                  | 3.8                  |  |  |


O le vaega o Felauaiga e \$19.6 miliona le tamaoiga faamauina ile kuata o Tesema 2019 faatusa i le tausaga faavae 2013. O loo manino le pau ai o le tamaoiga i le vaega maoti i le 9.5% ile kuata o loo iloiloina pea faatusa i le kuata o Tesema 2018. O le pau na iai le tamaoiga i le vaega e afua mai i le faaitiitia nofoaga teu oloa faatasi ai ma felauaiga o oloa i fale teu oloa. E 15.2% na faaitiitia ai le tamaoiga maua i felauaiga i le vasa ma le laueleele. E -0.4% le sao a le vaega ile tuufaatasiga o le tamaoiga.

A fua ile kuata o Setema 2019, na faaitiitia foi le tamaoiga maua mai i le vaega o Felauaiga i le 3.2%.



| FESOOTAIGA  | Tamaoiga Tesema 2018 | Tamaoiga Setema 2019 | Tamaoiga Tesena 2019 | Suiga i % fua i le kuata o Setema 2019   | Suiga i % fua i le kuata o Tesema 2018 |
|---|----------------------|----------------------|----------------------|--|--|
| Tamaoiga (fua kuata)<br>Tala Samoa (\$'000)               | 42.5                 | 48.9                 | 36.9                 | -24.6  | -13.3                                  |
| Tamaoiga (fua ile tausaga 2013)<br>Tala Samoa (\$'000)    | 36.0                 | 42.8                 | 31.8                 | -25.7  | -11.6                                  |
| Sao o Vaega i le suiga i le kuata (pasene)                | 1.0                  | 1.0                  | -0.8                 | <b>Kalafi 15: Tamaoiga maua mai i Fesootaiga ma le suiga mai i kuata taitasi i pasene, Tesema 2015 - Tesema 2019</b> |  |
| Saofaga ile tuufaatasiga faa-le-kuata (tamaoiga i pasene) | 7.5                  | 8.4                  | 6.8                  |  |  |

O le vaega o Fesootaiga e \$31.8 miliona le tamaoiga maua i le kuata o Tesema 2019; ua faaitiitia le vaega i le 11.6% fua i le kuata o Tesema ile tausaga ua tea. O le sao o Fesootaiga i le tamaoiga o le atunuu i totonu o le kuata o loo iloiloina e -0.8% ua pau maualalo ai lona sao i le tamaoiga i le suiga i le kuata. O le sao o le vaega i le tuufaatasiga o le tamaoiga faa-le-kuata ua tuuitiitia pea fua i le kauta o Tesema 2018 i lona sao e 7.5 pasene agai i le 6.8 pasene i le kuata o Tesema 2019. O le tamaoiga fua i le tau o oloa i totonu o le kuata e \$36.9 miliona; e -13.3% foi na pau ai le tamaoiga fua i le kuata o Tesema 2018. O lenei tulaga faaletonu ile vaega maoti o fesootaiga e afua mai ile tuuitiitia i oloa mo fesootaiga a'o feagai ai le atunuu ma faigata i le pipisi ai o le faamai o le misela ma sui ai le faamuamua ma le faataua a le lautele i oloa e manaomia ona faatau.




# Iloiloga o Vaega Maoti taitasi

| AUAUNAGA FAAPISINISI                                      | Tamaoiga Tesema 2018 | Tamaoiga Setema 2019 | Tamaoiga Tesena 2019 | Suiga i % fua i le kuata o Setema 2019 | Suiga i % fua i le kuata o Tesema 2018 |
|---|----------------------|----------------------|----------------------|--|--|
| Tamaoiga (fua kuata)<br>Tala Samoa (\$'000)               | 22.3                 | 17.2                 | 19.3                 | 12.3                                   | -13.3                                  |
| Tamaoiga (fua ile tausaga 2013)<br>Tala Samoa (\$'000)    | 22.7                 | 18.0                 | 19.8                 | 10.0                                   | -13.1                                  |
| Sao o Vaega i le suiga i le kuata (pasene)                | 0.0                  | -0.4                 | -0.6                 |  |  |
| Saofaga ile tuufaatasiga faa-le-kuata (tamaoiga i pasene) | 3.9                  | 3.0                  | 3.6                  |  |  |

**Kalafi 16: Tamaoiga maua mai le Vaega o Auaunaga Faapisinisi ma le suiga mai i kuata taitasi i pasene, Tesema 2015 - Tesema 2019**

E \$19.8 miliona le tamaoiga sa faapea ona maua mai ile vaega maoti o Auaunaga Faapisinisi i le kuata o Tesema 2019 fua ile tausaga faavae 2013; e 13.1% le pau sa iai pea fua i le tamaoiga faamauina faaletausaga. O loo faaalii ai le ono o tausaga sosoo o loo pau pea le tamaoiga maua mai i lea vaega. O le nei tulaga faaletonu i le tamaoiga o loo faamaonia ai le faaitiitia o auaunaga a vaega tumaoti ma vaega faapisinisi o loo faaogaina e le mamalu o le atunuu lautele. E \$19.3 miliona le tamaoiga ole kuata o Tesema 2019 ma e 13.3% ua faaitiitia ai lea fuainumera fua i le kuata lava lea o le tausaga ua tea. E 3.6% le sao o le vaega o Auaunaga Faapisinisi i le tamaoiga faa-le-kuata, ma e 0.3% ua pau ai le fuainumera pea fua i le kuata lava lea o le tausaga ua tea.




| AUAUNAGA TAITOATASI & ISI                                 | Tamaoiga Tesema 2018 | Tamaoiga Setema 2019 | Tamaoiga Tesena 2019 | Suiga i % fua i le kuata o Setema 2019 | Suiga i % fua i le kuata o Tesema 2018 |
|---|----------------------|----------------------|----------------------|--|--|
| Tamaoiga (fua kuata)<br>Tala Samoa (\$'000)               | 12.5                 | 16.5                 | 12.8                 | -22.1                                  | 2.6                                    |
| Tamaoiga (fua ile tausaga 2013)<br>Tala Samoa (\$'000)    | 11.7                 | 15.9                 | 12.1                 | -23.6                                  | 3.5                                    |
| Sao o Vaega i le suiga i le kuata (pasene)                | -0.7                 | 0.2                  | 0.1                  |  |  |
| Saofaga ile tuufaatasiga faa-le-kuata (tamaoiga i pasene) | 2.2                  | 2.8                  | 2.4                  |  |  |

**Kalafi 17: Tamaoiga maua mai le Vaega o Auaunaga a Tagata Taitoatasi ma Isi Auaunaga, Tesema 2015 - Tesema 2019**

O le vaega o Auaunaga Taitoatasi ma isi sa faamauina le siitia ai o le tamaoiga i le 3.5% pea fua i le kuata o Tesema 2019. O le lua ai lea o kuata sosoo o loo tulaga lelei le siitia ai o le tamaoiga talu mai le fa o kuata sosoo o loo faaletonu pea lea vaega maoti. E \$12.1 miliona le aofai o le tamaoiga fua i le tausaga faavae 2013, ma e 0.1% lona sao i le ile suiga o le tamaoiga i totonu o le kuata.

I le tamaoiga i totonu lava o le kuata (current prices), e 2.6% na siitia ai le saofaga a le vaega fua i le kuata o Tesema 2018. E 0.2% na siitia ai le sao o le vaega i le aotelega poo le tuufaatasiga o le tamaoiga i totonu o le kuata mai ile 2.2% ia Tesema 2018 ile 2.4% ile kuata o Tesema 2019.




## Iloiloga o Vaega Maoti taitasi

| VAEGA A LE MALO   | Tamaoiga Tesema 2018 | Tamaoiga Setema 2019 | Tamaoiga Tesema 2019 | Suiga i % fua i le kuata o Setema 2019 | Suiga i % fua i le kuata o Tesema 2018 |
|---|----------------------|----------------------|----------------------|--|--|
| Tamaoiga (fua kuata)<br>Tala Samoa (\$'000)               | 46.0                 | 46.7                 | 47.6                 | 1.8                                    | 3.4                                    |
| Tamaoiga (fua ile tausaga 2013)<br>Tala Samoa (\$'000)    | 36.2                 | 36.5                 | 37.0                 | 1.3                                    | 2.2                                    |
| Sao o Vaega i le suiga i le kuata (pasene)                | 0.2                  | 0.0                  | 0.2                  |  |  |
| Saofaga ile tuufaatasiga faa-le-kuata (tamaoiga i pasene) | 8.1                  | 8.0                  | 8.7                  |  |  |

*Kalafi 18: Tamaoiga maua mai le Vaega a le Malo ma le suiga mai i kuata taitasi i pasene, Tesema 2015 - Tesema 2019*

E 2.2% na siitia ai le tamaoiga maua mai i le vaega a le Malo pea fua i le kuata o Tesema 2018; e \$37.0 miliona le tamaoiga na faamauina i le kuata o Tesema 2019 pea fua i le tausaga faavae 2013. O le nei tulaga lelei na aliae mai i le kuata o Tesema 2019 na afua mai i le siitia o auunaga mo tagata lautele e pei o auunaga faa-le-pulega, faa-le-tulafono, tau-tupe ma isi lava vaega o le malo o loo mafai ona vaaia tulaga i agafesootai aemaise le tamaoiga lautele.

A fua i le tamaoiga i totonu ole kuata, e 3.4% na siitia ai le tamaoiga faamauina sa maua mai i lea vaega. O loo faamautuina pea le tulaga tolu ai o le vaega a le Malo i le maua o lona sao i le tuufaatasiga o le tamaoiga faa-le-kuata e tusa lea ma le 8.7%.




| AUAUNAGA FAA-FALETUPE                                     | Tamaoiga Tesema 2018 | Tamaoiga Setema 2019 | Tamaoiga Tesema 2019 | Suiga i % fua i le kuata o Setema 2019 | Suiga i % fua i le kuata o Tesema 2018 |
|---|----------------------|----------------------|----------------------|--|--|
| Tamaoiga (fua kuata)<br>Tala Samoa (\$'000)               | 50.3                 | 50.0                 | 53.7                 | 7.4                                    | 6.8                                    |
| Tamaoiga (fua ile tausaga 2013)<br>Tala Samoa (\$'000)    | 50.4                 | 52.4                 | 53.3                 | 1.7                                    | 5.8                                    |
| Sao o Vaega i le suiga i le kuata (pasene)                | 0.4                  | 0.4                  | 0.6                  |  |  |
| Saofaga ile tuufaatasiga faa-le-kuata (tamaoiga i pasene) | 8.8                  | 8.6                  | 9.9                  |  |  |

*Kalafi 19: Tamaoiga maua mai ile Vaega o Auaunaga Faa-faletupe ma le suiga mai i kuata taitasi i pasene, Tesema 2015 - Tesema 2019*

I le vaega o Auaunaga Faa-faletupe, e 5.8% ua maua mai i le kuata lava lea o le tausaga ua te'a. O le lona luasefulu lima ai o kuata sosoo o loo tumau pea le siitia ma le lelei o le tamaoiga maua mai i lea vaega maoti. O \$53.3 miliona lona tamaoiga i le kuata o Tesema 2019 fua i le tausaga faavae (2013), o le tamaoiga pito sili lea ona maua mai i le vaega o Auaunaga Faa-faletupe talu ona amata faamaumauina le tamaoiga o le atunuu.

O le agai pea i luma o le tulaga lelei i le vaega maoti e afua mai ile faatuputupuila o le manaomia o gaoiga i faletupe, lisi, inisiua aemaise isi auunaga e afua mai i lea vaega o loo aofia i totonu o le kuata o loo iloiloaina. E 0.6% le sao o le vaega o Auaunaga Faa-faletupe i le suiga o le tamaoiga i totonu o le kuata o loo iloiloaina.



# FAAMATALAGA, SUIGA & ATINAE FOU I FAAMAUMAUGA O LE TAMAOAIGA

## FAAMATALAGA

O le tuufaatasia o faamaumauga tau i le tamaoaiga e feagai pea ma luitau, o le mafuaaga lea e alagata ai ona matuai lelei ma atoatoa faailoilo e faaogaina ma ia mautinoa ai e iai lava suiga ma iloiloga i faamaumauga aemaise lava i faamaumauga o kuata poo tausaga ua mavae pe afai ae maua nisi faamaumauga fou ma talafeagai ma taiala e tuufaatasia ai faamaumauga tau tamaoaiga.

O lenei ripoti faalekuata ua lima a'i ripoti o faamaumauga tau i le tamaoaiga ua faamatuuina ma o loo faaogaina ai le tausaga faavae o le 2013 (GDP estimates at 2013 prices). E faaauau pea lenei lomiga ma e mafai foi ona maua i luga o le upega tafailagi a le Ofisa o Fuainumera Faamauina [www.sbs.gov.ws](http://www.sbs.gov.ws).

## FUAINA O LE TAMAOAIGA


O faamaumauga i le tamaoaiga o se taiala aloaia ua faaogaina e Samoa e mataitu ai lona tamaoaiga. Ua faaogaina le taiala faavaomalo ole production approach po o le faaogaina o tupe faasili e maua mai i Oloa ma Auaunaga o loo faatinoina e Vaega Maoti taitasi o le tamaoaiga e fua ai suiga ma le aotelega o le tamaoaiga o le atunuu ina ua maea ona ave ese le tau o oloa mai si auaunaga na faaogaina. E mafai foi ona faapea o tupe mama poo polofiti o Vaega Maoti uma o le tamaoaiga.

**Vaevaeina o Vaega Maoti o le Tamaoaiga:** O pepa faapoopo ua tuuina atu ai faamaumauga a Vaega Maoti o le tamaoaiga ma o lona vaevaeina o loo mulimulitai i le taiala faavaomalo o le Vaevaeina o Vaega Maoti o le Tamaoaiga poo le ISIC Lomiga 3.1. E matuai taua le usitaia o le nei taiala ina ia mautinoa le sao o faamaumauga e patino i Vaega eseese ma ia lelei ma atoatoa ai faamaumauga e faamatuuina atu.

- Vaega Muamua (Faatoaga ma Faigafaiva)
- Vaega Lua poo le Vaega o Oloa Gaosi (Oloa Gaosi, Galuega Tele, Eletise & Suavai)
- Vaega Tolu poo Vaega o Auaunaga (Fefaatauaiga o Oloa siatoa, Faleoloa laiti ma faletalimalo, felauaiga, falemeli ma fale faaputu-oloo, auaunaga faafaasalalauga ma fesootaiga, auaunaga faafaletupe ma inisiua, auaunaga totogi aso ma fefaatauaiga o fanua, galuega eseese, faasaienetisi, tomai faapitoa, auaunaga lautele, auaunaga faaleMalo, saogalemu, aooaga, soifua maloloina, faatufugaga o tomai eseese ma isi auaunaga.

## SUIGA

E ono suia faamaumauga ua tuuina atu i le nei ripoti i le lumanai ona o suiga i fuainumera o loo tuuina mai..



*Aliimuamua Malaefono Taua-T. Faasalaina*

**GOVERNMENT STATISTICIAN**



### Vaai Taula'i:

**“Avea le Ofisa o Fuainumera Faamauina ma taitai i le tuufaatasia ma le tuuina atu o fuainumera faamauina sa'o ma le faatuatuaina mo le manuia o Samoa”**

Vaega o Faamaumauga tau Tupe ma le Tamaoaiga  
Maota FMFMII, Fogafale 2 Pusa Meli 1151  
Apia, Samoa

Telefoni: (685) 62006 / 29326  
Telesi: (685) 24675  
Imeli: [fsd@sbs.gov.ws](mailto:fsd@sbs.gov.ws)